

書之傳不爲浪說予抵少城作石經考異之餘因得此古文全編於學官迺延士張貞微呂氏所鑄本冊刻諸石是不徒文字足以貽世若二典曰若與鑒之類學者可不知歟嗚呼信而好古學于古訓乃有獲蓋前牒所令方將配孝經周易經文之古者同附于石經之列以故弗克第述一二以示後之好奇字者識又安知世無揚子雲時乾道庚寅仲夏望日序

脩成都府府學記

馮時行

紹興二十八年冬天子命中書舍人鄱陽王公出鎮全蜀明年四月至成都下車謁孔子廟顧見學宮圯毀不治喟然而嘆且言皇上撥亂反正易干戈爲俎豆開立政化純用儒術常以萬機餘閒手抄六經論語孝經孟子戰國樂毅晉羊祜列傳及圖孔子與門弟子七十二人像躬爲敘贊頌之郡國藏之學宮以示惇勸以幸斯文德至渥也成都西南大府當是時學校薦祭無位肄習無所其何以仰承聖

明休德亟命度材計工消吉肇事力不民役費不民取易腐敗而新之與新作而補其闕凡四百楹皆敞豁靚深精聖嚴實公來視成諸生東自荆楚西極滎洋分集廡下歡喜鼓舞咸願記載傳之將來公以命其屬部沈黎守吏縉雲馮某俾敘其興作之由且較系以辭公名剛中字時亨其治蜀純用儒術其有得於經術者宜第樂易之政無愧於前人詞曰棟樑於山魚龍於國物生有元彬彬學宮者儲其中登爲卿公聖神宅尊滌除妖氛煥以堯文夏校周庠達於四方聲教洋洋皇曰岷蜀詩書之俗誰歟其屬振其殫竭孕其俊傑繫予近列西南巨屏綿絡參井惟公是命皇曰往哉惟撫惟懷實惟汝諧漢有文翁千載吏宗汝惟其同公拜于庭皇亟其行虎熊旂旌公來祁祁致其肅祇先聖先師顧瞻頽頽心經目營亟命鼎新刊山浮川巨桴雲連徒旅闐闐已邛仲冬旦氏中消吉嘯工千趾俱升趨之烝烝各奮而登翔然其成煥然其明杳然其深公其省其邦人從之岌岌